

DEFINITIONES

posse, priori modo in situ absoluto seu partium cum toto, *Ordine*; posteriori in situ relato seu partium ad partes, *Vicinitate*, quæ quomodo differant infra dicemus def. 4. & 5. Hæc proce-
mii loco sufficiant, ut qua in disciplina materiæ hujus sedes sit,
fiat manifestum.

DEFINITIONES.

1. *Variatio* h. l. est mutatio relationis. Mutatio enim alia sub-
stantiæ est alia quantitatis alia qualitatis; alia nihil in re mu-
tat, sed solum respectum, situm, conjunctionem cum alio
aliquo.
2. *Variabilitas* est ipsa quantitas omnium Variationum. Ter-
mini enim potentiarum in abstracto sumti quantitatem ear-
um denotant, ita enim in Mechanicis frequenter loquuntur
potentias machinarum duarum duplas esse invicem.
3. *Situs* est localitas partium.
4. Situs est vel absolutus vel relatus: ille partium cum toto, hic
partium ad partes. In illo spectatur numerus locorum &
distantia ab initio & fine, in hoc neque initium neque finis
intelligitur, sed spectatur tantum distantia partis à data par-
te. Hinc ille exprimitur linea aut lineis figuram non clau-
dentibus neque in se redeuntibus, & optimè linea recta; hic
linea aut lineis figuram cludentibus, & optimè circulo. In
illo prioritatis & posterioritatis ratio habetur maxima, in
hoc nulla. Illum igitur Optimè *Ordinem* dixeris;
5. Hunc *vicinitatem*, illum dispositionem, hunc compositio-
nem. Igitur ratione ordinis differunt situs sequentes:
abcd. bcda. cdab. dabc. At in Vicinitate nul- b
la variatio sed unus situs esse intelligitur, hic nempe: a c
Unde festivissimus Taubmannus, cum Decanus Facul- d
tatis philosophicæ esset, dicitur Wittebergæ in publico pro-
grammate seriem candidatorum Magisterii circulari disposi-
tione complexus, ne avidi lectores intelligerent, quis suillum
locum teneret.